



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CLXXVI. De Indulg. Monialibus S. Ursulæ in die renovationis votorum
concessa.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

CLXXVI.

Conceditur Indulgentia plenaria perpetua pro Monialibus Monasteriorum S. Ursulae in die renovationis votorum.

Alia hujus Const. ed. 1728. Apr. 6. P. 4. concessa fuit Indulgentia plen. perpet. omnibus Monialibus die earum relationis, benedictionis, & consecrationis.

Dat. 17. Apr. 1728. An. 4

BENEDICTUS PAPA XIII.

Ad perpetuam rei memoriam.

§. 1. CUM sicut accepimus, Moniales Monasteriorum Monialium S. Ursulae ex laudabili eorum Instituto, seu Regula tria vota post completum earum susceptionis habitus quinquagesimum annum solemniter renovare teneantur.

§. 2. Nos, ut opus tam pium majori cum fructu fiat, & ad augendam earundem Monialium devotionem, & animarum salutem caelestibus Ecclesiae Thesauris pia charitate intenti, omnibus, & singulis dictorum Monasteriorum Monialibus vere poenitentibus, & confessis, ac sacra communione refectis, quae vota sua praefata post completum quinquagesimum annum susceptionis habitus hujusmodi solemniter renovaverit, ut praefertur, ac pro Christianorum Principum concordia, haeresim extirpatione, ac Sanctae Matris Ecclesiae exaltatione, pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Praesentibus perpetuis futuris temporibus valituris.

Concessio praedictae Indulgentiae.

Fides habenda transumptis.

§. 3. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae, vel ostensae.

Datum Romae apud S. Petrum sub Annulo Piscatoris die XVII Aprilis MDCCXXVIII. Pontificatus Nostri Anno IV.

CLXXVII.

Confirmatur Constitutio quaedam S. Pii V. super praecedentia Canonice Regularium Congregationis Lateranensis in Processionibus; pro Congregatione omnium Sanctorum Olomucen.

Laudata Pii V. Constitutio huic inserta ed. est anno 1570. Dec. 21. P. 5. quae alias ab hoc Pontifice confirmata fuit pro aliis omnibus generatim Canonice Lateranensibus Const. ed. 1727. Jun. 21. P. 4.

Dat. 27. Apr. 1728. An. 4.

BENEDICTUS PAPA XIII.

Ad futuram rei memoriam.

Prooemium.

Militantis Ecclesiae regimini, meritis licet imparibus, divina dispositione praesidentes ea, quae ex circumspccta Romanorum Pontificum Praedecessorum Nostrorum providentia, ad insignium Congregationum Regularium antiquitatis, aliaque multiplici laude in Ecclesia Dei fulgentium favorem non minus prudenter, quam liberaliter emanasse noscuntur, ut firma semper, & inviolata persistant, Apostolice muniminis nostri praesidio, cum id a Nobis petitur libenter constabilimus.

§. 1. Dudum siquidem fel. rec. Pius Papa V. Praedecessor noster Canonicos Regulares Congre-

gationis Lateranen. Ordinis Sancti Augustini ubicumque locorum existentes in Processionibus, & aliis actibus publicis, vel privatis, statim Clerum saecularem non exemptum subsequi, dum ipsi subsequendo praecedebant, dum vero praecedendo praecedebant, illum immediate sequi debere declaravit, & alias prout uberius continetur in eisdem Pii Praedecessoris literis desuper sub plumbo expeditis tenoris, qui sequitur, videlicet.

§. 2. Pius Episcopus Servus Servorum Dei. Ad perpetuam rei memoriam. Cum ex Ordinum universitate, qui in Dei Ecclesia reperiuntur, illa castrorum acie comparetur, illius autem gubernium Romano Pontifici Beati Petri vero Successori sit demandatum, mirum nemini videri debet, si ille curae sibi divinitus commissae invigilans, cuilibet quod suum est benigne concedendo, & quae clara etiam sui ipsorum natura sunt, ne in recidivae contentionis scrupulum relabantur, opportuna delarationis, ac novae concessionis remedio consolidat, ut quibusvis sublati obstaculis, quilibet pacis amoenitate frui libere possit, ac scandalorum occasio penitus tollatur. Cum itaque, sicut accepimus, dilecti Filii universi Canonice Regulares Ordinis Sancti Augustini Congregationis Lateranensis, qui ab Apostolis originem traxerunt, quique ab eodem Sancto Augustino eorum reformatore, iterum per reformationis viam Mundo geniti, merito praetendere possunt, se omnes alias personas Ecclesiasticas, tam Saeculares, quam Regulares, in processionibus, & aliis actibus publicis praecedere debere. Cum tamen non liceat membra a Capite separare, sed tamen eis debitum locum assignare, ipsorumque indemnitati, ut sine populi scandalo in publicum prodire, exemploque potius caeteris Christifidelibus esse possint, consulere volentes, ac omnium, & singulorum litium, quae forsitan super praemisissis exorta sint, aut exoriri quocummodo possint, status, & merita, nominaque, & cognomina Judicum, & Collitigantium, praesentibus pro expressis habentes, Motu proprio, non ad dictorum Canonice Regularium, vel alicujus alterius pro eis super hoc Nobis oblatae petitionis instantiam, sed ex certa scientia nostra, & de Apostolica potestatis plenitudine, omnes, & singulos Canonicos praedictos, ubicumque locorum existentes, quos deinde processionibus, & aliis actibus publicis, vel privatis, interesse contigerit, statim ipsum Clerum saecularem non exemptum subsequi, dum ipsi subsequendo praecedunt, dum vero praecedendo praecedunt, illum immediate subsequi debere, auctoritate Apostolica per praesentes declaramus. Ac insuper in omnibus locis, in quibus talis viget consuetudo, in processionibus, ut dicti Clerici non exempti, praecipue quando Canonice alicujus Ecclesiae Cathedralis, paramenta Ecclesiastica induunt, ut cultus divinus magis vigeat, ac ut Sanctissimum, Corpus Christi, seu aliae Reliquiae, quae processionaliter deferuntur, decentius, & honorificentius associentur, ut quando hoc ipsius Ordinarii mandato continget, ipsi Canonice similiter ac illi, Pluvialia, Planetas, Tunicellas, & alia paramenta super eorum clericalem habitum deferre, necnon pro Cruce associanda quaecumque luminaria ferre, libere, & licite possint, statuumus, & ordinamus.

Constitutio praefata Pii V.

Conceditur praefata praecedentia

Claufula.

§. 3. Districtius inhibentes quibusvis locorum Ordinariis, etiamsi Patriarchali, Primatiali, Archiepiscopali, aut alia dignitate perfulgant, sub excommunicationis majoris, & indignationis nostrae poena, ne eosdem Canonicos, seu aliquem eorum molestare, aut praemissa quovis modo declarare, vel imperare audeant. Decernentes praesentes literas nullo unquam tempore de subreptionis, vel obreptionis

vicio,